

Dae su 26 de cabudanni a su 5 de santandria 2013

Dies de sa limba sarda



WWW.DISCHENTE.OR.IT
PRO ISCRÌERE SENA DE DUDAS!



Provincia de Aristanis,
Setore Promotzione de su Territòriu
Ufìtziu de sa Limba e de sa Cultura Sarda
Pratza Eleonora 18-19, Aristanis

www.dischente.or.it



DIE EUROPEA
DE SAS LIMBAS

Mostra didàtica subra su
bilinguismu e sas minorias linguisticas
Giòbia, 26 de cabudanni,
dae sas 9 de mangianu
Pratza Eleonora, **Aristanis**

IN SAS ISCOLAS, pro cumprèndere cale
podet èssere su benidore de sa limba sarda

A Nanni Sulis

cun Duilio Caocci
Martis, su 1 de santugaine, dae sas 9 a sas 11
Litzeu Iscientificu, **Terraba**

Quest'anno la mosca
già è poco aggressiva!

cun Antonio Ignazio Garau
Chenàbura, 4 de santugaine,
dae sas 9 a sas 11
Istitutu de Istruzione Superiore, **Ilartzi**

Dischente

cun Antonio Ignazio Garau, Marinella Marras,
Tore Cubeddu
Lunis, 7 de santugaine,
dae sas 4 a sas 6 de merie
Cursu F.I.L.S. - Formazione Insegnantes
Limba Sarda
Facultade de Lìteras,
Universidade de Casteddu

Dischente

cun Antonio Ignazio Garau, Marinella Marras,
Tore Cubeddu
Mèrcuris, 9 de santugaine,
dae sas 4 a sas 6 de merie
Cursu F.I.L.S. - Formazione Insegnantes
Limba Sarda
sala cunferèntzias Setore Promotzione de su
Territòriu
Pratza Eleonora, **Aristanis**

A Nanni Sulis

cun Duilio Caocci
Giòbia, 10 de santugaine, dae sas 9 a sas 11
Litzeu Iscientificu, **Aristanis**

Quest'anno la mosca
già è poco aggressiva!

cun Antonio Ignazio Garau
Mèrcuris, 16 de santugaine, dae sas 9 a sas 11
Litzeu Clàssicu, **Bosa**

Birgòngia!

cun Alessandro Mongili
Lunis, 4 de santandria, dae sas 9 a sas 11
Litzeu Clàssicu "De Castro", **Aristanis**

Birgòngia!

cun Alessandro Mongili
Martis, 5 de santandria,
dae sas 9 a sas 11
Litzeu Iscientificu, **Làconi**

**DISCHENTE. IMPARARE
A ISCRÌERE SU SARDU**
Addòbios formativos in sos **Comunes de:**

Santa Justa, tzentru tzìvicu (pratza Othoca)
Lunis, 7 de santugaine,
dae sas 5 a sas 7 de merie

Ardaule, àula de su Consìgiu comunale
Lunis, 7 de santugaine,
dae sas 3 a sas 6 de merie

Crabas, àula de su Consìgiu comunale
Mèrcuris, 9 de santugaine,
dae sas 3 a sas 6 de merie

Samugheo, sala cunferèntzias de sa
Biblioteca comunale (Casa Serra)
Mèrcuris, 9 de santugaine,
dae sas 3 a sas 6 de merie

Aristanis, àula cunferèntzias UNLA,
Su profetu de s'educatzione bilingue
cabudàrgia.
Addòbiu formativu pro mastros de iscola,
babbos e mamas chi cherent faeddare in
sardu cun is pipios
cun Antonio Ignazio Garau
Giòbia, 10 de santugaine,
dae sas 4 a sas 7 de merie

Iscanu, àula de su Consìgiu comunale
Giòbia, 10 de santugaine,
dae sas 3 a sas 6 de merie

Marrùbiu, àula de su Consìgiu comunale
Lunis, 14 de santugaine,
dae sas 3 a sas 6 de merie

Santu Lussurzu,
àula de su Consìgiu comunale
Lunis, 14 de santugaine,
dae sas 3 a sas 6 de merie

Baulau, tzentru servìtzios Santu Larentzu
Martis, 15 de santugaine,
dae sas 3 a sas 6 de merie

Làconi, àula de su Consìgiu comunale
Mèrcuris, 16 de santugaine,
dae sas 3 a sas 6 de merie

Uras, tzentru culturale polivalente (bia Roma)
Giòbia, 17 de santugaine,
dae sas 3 a sas 6 de merie

Bosa, sala cunferèntzias
de sa Biblioteca comunale
Giòbia, 17 de santugaine,
dae sas 3 a sas 6 de merie

Abas, sala cunferèntzias de su Comune
Lunis, 21 de santugaine,
dae sas 3 a sas 6 de merie

Dae cando sa **Lege 482 de su 1999**, aplichende s'articulu 6 de sa Costituzione de sa Repubblica Italiana, at reconnotu e amparadu sa limba sarda puru, faghende ddi fàghere passos in dae in antis cara a s'otenimentu de sa matessi dignidade de sa limba italiana fintzas in sos logos dae ue s'istadu de minorizatzione dd'aiat esclùdida (s'Amministrazione pùblica, s'Iscola, s'Università, àteros), una de sas chistiones de fundamentu fiat sa de aprontare ainas e fainas pro pòdere afortiare sa connoschèntzia de su sardu a onni livellu de sa sotziedade.

Cun custa punna, est partu pretzisu a considerare e pònnere paris bator bisòngios:

- 1) **sa divulgatzione**, est a nàrrere su de arribare a cantos prus faeddadores possibiles, cun atentu particulare pro sos dependentes de s'Amministrazione pùblica;
- 2) **sa modularidade e gradualidade**, est a nàrrere su de aprontare ainas utilosas chi siant a tenore de su gradu de cumpetèntzia diferente chi sos faeddadores tenent de sa limba sarda, duncas su de pigare a cunsideru su fatu chi sos bisòngios formativos non sunt sos matessi pro totus;
- 3) **su discansu e sa pratitzidade**, est a nàrrere su de cunsiderare sa disponibilidade de tempus chi sos utentes tenent pro acumprire su caminu de formatzione;
- 4) **s'iscientifitzidade**, est a nàrrere su de assegurare s'impreu de modelos de imparu (in sa carrera de s'insegnamentu e in cussa de s'aprendimentu) chi siant de rigore siat metodològicu siat de capia. Cun custos piessignos est nàschidu su cursu *e-learning* **www.dischente.or.it**, chi oe est una de sas ainas prus innovativas in s'àmbitu de s'imparu de su sardu; cun custos inditos, in custos annos, si sunt cuncordados progetos de importu comente su Postale de sa Limba sarda e sos addòbios de sas **DIES DE SA LIMBA SARDA**.

Su programma de sas **Dies de sa Limba Sarda 2013**, dies de formatzione in sas iscolas e in sos Comunes, musttrat comente sa Provintzia, paris cun s'Ufitziu de sa Limba e de sa Cultura Sarda, siat sighende in custu camminu chirchende de fàghere a cumprèndere a sos pitzinnos ca sa limba sarda faghet parte de s'identidade issoro, chi no est e non podet èssere “Birgòngia!”, chi sa cultura sarda est e depet èssere unu istrumentu de connoschèntzia a fundamentu de sa crèschida de onni sardu, chi onni limba, finas cussa sarda, paris cun totu sas limbas chi si podent imparare, est richesa e ismànniat su mundu nostru ponende nos a cunfrontu cun àteros pòpulos e àteras culturas. Sos cursos in sos Comunes sunt unu dovere, pro chi totus, mannos e minores, potzant connòschere mègius sa limba sarda e tènnere un'oportunidade in prus pro l'impreare.

DISCHENTE Su mòdulu on-line


Dischente.or.it est su primu cursu *e-learning* progetadu pro imparare su sardu. Su sistema *e-learning* est una novidade manna in su mundu de sa formatzione, ca permitit a totus de fàghere su cursu in cale si siat logu, in ufitziu, in domo, sena oràriu e sena pagare, bastat una connessione *internet*. Su cursu est aprontadu prus che totu pro sos dependentes pùblicos, ca s'obietivu prus de importu de sa Lege 482 de su 1999 est de formare chie traballat in s'amministrazione pùblica, ma est abertu a totu sos chi sunt interessados. Sa piataforma LMS (*Learning Management Sistem*) permitit a prus de 500 persones dae totu su mundu de fàghere su cursu in su matessi tempus.

Dischente.or.it est divididu in tres partes: mòdulu base, mòdulu mesanu e mòdulu avanzadu. A si iscriere a su mòdulu formativu Dischente.or.it est fàtzile meda, bastat a sighire sas istrutzione in su situ.

Pro si registrare:

1. Intrende in *Registrati* si lompeta a una pàgina in ue b'est *s'entry-form* de registratzione chi est de cumpilare in onni parte. Sa *password* depet tènnere a su nessi 5 lìteras o caràteres (podent èssere fintzas nùmeros). In antis de mandare su *form* tocat fintzas a atzetare sas règulas de sa *privacy*, sinnende cun unu *flag* su cuadradu in ue est iscritu “*Accetto i termini della privacy policy*”.

2. Sos tutores ant a valutare sa domanda de iscritzione. Si sa domanda podet èssere atzetada, at a arribare – a s'indirizzu de posta eletrònica inditadu in su *form* – s'avisu de registratzione cun sa *password* provisòria chi podet èssere impreada pro intrare in su cursu.



Pro intrare in su cursu:

1. Dae sa “domo” (*home page*), ponende *userid* e *password*, si podet intrare in sa prima pàgina de su cursu *e-learning*.

2. In sa prima pàgina si podet:

- cambiare sa *password*,
- personalizare su profilu personale,
- controllare totu sos cursos e sos esertitzios,
- intrare in su mòdulu de su cursu,
- seberare sos cursos ativos e intrare in sa pàgina de sas letziones (*learning object*).

A s'agabbu de su cursu, **onni dischente podet fàghere s'esàmene e leare un'atestadu**. S'Ufitziu de sa Limba e de sa Cultura Sarda organizzat, avisende a sos dischentes, s'esàmene pro onni mòdulu de su cursu (base, mesanu e avanzadu).

DISCHENTE Limba sarda in...

... onni logu: in sos ufitzios, in butega, in iscola, in potecaria.

Imparare su sardu.

Provare a dd'iscriere como est fàtzile cun **Dischente**, est unu mòdulu formativu completu subra s'imparu de su sardu. Ma, cando nos agatamus in logos pùblicos, comente nos depimus cumportare? Comente podimus impreare sos faeddos giustos? Pro rispòndere a custas domandas, sa Provintzia de Aristanis at aprontadu binti ischedas chi ponent in pràtica **Dischente**, binti situatziones chi nos mustrant ca sa limba sarda est una limba moderna, capatza de contare sa vida de oe.

Sas ischedas si podent agatare in sa setzione **Dischente** intrende dae sa *home page* de su situ **www.dischente.or.it**.



**IN SARDU PURU 2 + 2 FAGHET 4! PRO FÌGIOS TUOS
SÈBERA S'INSEGNAMENTU FINTZAS IN LIMBA SARDA.**